


文獻通考

二百九十五之七




壬六

					漢書門
				一五六八	
			八	函	類
			架		
100					

內閣文庫	
漢書	一五六八
冊	一〇〇
架	元

內閣文庫	
番號	漢 11568
冊數	100 (86)
函號	294 1



漢書門
類
二五六八
函號
一〇八
架
一〇〇
冊

文獻通考卷之二百九十五

宋鄱陽

馬

端臨

貴與

著

淺草又庫

物異考

明蘄陽

馮

天馭

應房

校刊

漢五行志漢興承秦滅學之後景武之世董仲舒治公羊春

秋始推陰陽為儒者宗宣元之後劉向治穀梁春秋數其駝

福傳以洪範傳讀曰附謂附著或作傳與董仲舒錯謂錯互

至向子歆治左氏傳其春秋意亦已乖矣言五行傳又頗不

同是以搯仲舒別向歆搯與肇同謂引取傳載眭孟夏侯勝

京房谷永李尋之徒所陳行事訖于王莽舉十二世以傅春

秋著于篇傳讀曰附謂比附其事

經曰初一日五行五行一日水二日火三日木四日金五日土


水曰潤下火曰炎上皆從水火自水曰曲直言可揉而曲金曰

從革革更也可土爰稼穡爰於也可稼穡於其上稼穡傳曰五行傳

物異更銷鑄也土爰稼穡也種之口稼收聚曰穡傳曰代勝作

文獻通考卷之二百九十五

崇禎二年重刊



田獵不宿

不得其時也或曰不豫戒

飲食不享

不行享出入不

節奪民農時及有姦謀

李奇曰姦謀增賦履畝之事臣贊曰姦謀謂邪謀也師古曰即下所謂作為姦

許以奪農時

則木不曲直

說曰木東方也於易地上之木為觀其於王事威儀容貌亦

可觀也故行步有佩玉之度登車有和鸞之節田狩有三驅

之制飲食有獻享之禮出入有名使民以時務在勸農桑謀

在安百姓如此則木得其性矣若乃田獵馳騁不反宮室飲

食沈湎不顧法度妄興繇役以奪民時作為姦詐以傷民財

則木失其性矣蓋工匠之為輪矢者多傷敗

及木為變性臣瓚曰梓柱更生是為木不曲直

如淳曰揉輪不曲輪矢不直也

傳曰棄法律逐功臣殺太子以妾為妻則火不炎上

說曰火南方揚光輝為明者也其於王者南嚮明而治書云

知人則哲能官人故堯舜舉羣賢而命之朝遠四佞而放諸

堯

古對孔子曰浸潤之譖膚受之愆不行焉可謂明矣賢佞

分別官人有序帥由舊章敬重功勳殊別嫡庶如此則火得

其性矣若乃信道不篤或耀虛偽讒夫昌邪勝正則火失其

性矣自上而降及濫炎妄起焚宗廟燒宮館雖與師衆不能

救也是為火不炎上

傳曰修宮室飾臺榭內淫亂犯親戚侮父兄則稼穡不成

說曰土中央生萬物者也其于王者為內事宮室夫婦親屬

亦相生者也古者天子諸侯宮廟大小高卑有制后夫人媵

妾多少有度九族親疎長幼有序孔子曰禮與其奢也寧儉

故禹卑宮室文王刑于寡妻此聖人之所以昭教化也如此

則土得其性矣若乃奢淫驕慢則土失其性凶水旱之災而

草木百穀不熟是為稼穡不成

傳曰好戰攻輕百姓飾城郭侵邊境則金不從革

說曰金西方萬物既成殺氣之始也故立秋而鷹隼擊秋分而微霜降其於王事出軍行師把旌仗鉞誓士衆抗威武所以征叛逆止暴亂也詩云有屢乘鉞如火烈烈又曰載戢干戈載橐弓矢動靜應宜說以祀難人忘其死金得其性矣若乃貪慾恣睢務立威勝不重人命則金失其性蓋工治鑄金鍊冰滯涸堅不成者衆乃爲變性是爲金不從革

傳曰簡宗廟不禱祠廢祭祀逆天時則水不潤下

說曰水北方終藏萬物者也其於人道命終而形藏精神放越聖人爲之宗廟以收魂氣春秋祭祀以終孝道王者卽位必郊祀天地禱祈神祇望秩山川懷柔百神亡不宗事所古來也柔安也謂招來而祭祀之使其安也宗尊也慎其齋戒致其嚴敬鬼神歆饗多獲福助此聖王所以順事陰氣和神人也至發號施令亦奉天時十二月咸得其氣則陰陽調而終始成如此則水得其

性矣若遇不敬鬼神政令逆時則水失其性霧水暴出百川

逆溢壞鄉邑溺人民及大雨傷稼穡是爲水不潤下京房易

傳曰顛事有知誅罰絕理厥災水其水也雨殺人以其陰霜大

風天黃饑而不損茲謂衆厥災水水殺人非過有德茲謂狂

不見用也師古曰過音過矣厥災水水流殺人巳水則地

生患歸獄不解茲謂追非李詩曰歸罪過於民不罪已也

也非止也追厥水也八追誅不解茲謂不理厥水五穀不

收大敗不解茲謂皆陰群舍也王者於大敗誅首惡赦其衆

不則皆凶陰氣論曰水入國邑則霜殺穀

經曰敬用五事五事一曰視二曰言三曰視四曰聽五曰思貌

曰恭言曰從視曰聽思曰容容通也古恭作肅從作艾

肅也明作折聰作謀故聰則下謀睿作聖休徵驗也曰肅

時雨若又時暘若蒸時與右謀時寒若望時風若凡言時者皆謂行得其道

則寒暑月而... 曰狂恒雨若僭恒湯若僭借舒恒

與若急恒寒者霧忙風者... 曰貌之不恭是

謂不肅厥咎狂厥罰... 曰貌之不恭是

生土之病... 曰貌之不恭是

青祥... 曰貌之不恭是

之作歲之朝月之朝日之朝則后王受之... 曰貌之不恭是

中則止卿受之歲之夕月之夕日之夕則庶民受之... 曰貌之不恭是

月為歲之朝自五月盡八月為歲之中自九月盡十一月為歲之夕... 曰貌之不恭是

特為日之朝... 曰貌之不恭是

時至黃昏為日之夕受之... 曰貌之不恭是

其凶咎也其二辰以次相將其次

其凶咎也其二辰以次相將其次

玄日二辰謂日月也假令歲之朝也日月朝則... 曰貌之不恭是

凡草木之類謂之妖妖猶天胎言尚微也... 曰貌之不恭是

類謂之孽孽則芽孽矣及六畜謂之過言其著也... 曰貌之不恭是

病病病貌也言深也甚則異物生謂之青... 曰貌之不恭是

之祥祥猶積也氣相傷謂之沴沴猶臨莅不和意也... 曰貌之不恭是

云時則以絕之非必俱至或有或亡或在或在... 曰貌之不恭是

夏侯始昌通五經善推五行傳以傳族子夏侯勝... 曰貌之不恭是

皆以教所賢弟子其傳與劉向同惟劉歆傳獨異... 曰貌之不恭是

是謂不肅肅敬也內曰恭外曰敬人君行已體貌... 曰貌之不恭是

驕蹇則不能敬萬事失則狂易故其咎狂也上慢... 曰貌之不恭是

氣勝故其罰常雨也水傷百穀衣食不足則姦寃... 曰貌之不恭是

極惡也一曰人多被刑或形貌醜惡亦是也風俗... 曰貌之不恭是

物異

卷五

四

易度則為剽反輕奇恠之服故有服妖水類動故有龜字
於易巽為雞鷄有冠距文武之貌而不為威貌氣毀故有雞
過一曰水歲多雞死及為恠亦是也上失威儀則有彊臣害
君上者故有下體生於上之病水色青故有青青祥凡貌
傷者病木氣水氣病則金沴之衝氣相通也於易震在東方
為春為木兌在西方為秋為金離在南方為夏為火坎在北
方為冬為水春與秋日夜分寒暑平是以金木之氣易以相
變故貌傷則致秋陰常雨言傷則致春陽常旱也至於春夏
日夜相反寒暑殊絕水火之氣不得相并故視傷常燠聽傷
常寒者其氣然也逆之其禍曰惡順之其福曰攸好德劉歆
傳曰有鱗蟲之孽羊禍鼻痾說以為於天文東方辰為龍星
故為鱗蟲於易兌為羊木為金所病故致羊禍與常雨同應
此說非是春與秋氣陰陽相敵木病金盛故能相并惟此一

事耳繼與妖痾祥眚同類不得獨異

傳曰言之不從是謂不乂厥咎僭厥罰恒陽厥極憂時則有詩
妖時則有介蟲之孽時則有大禍時則有口舌之痾時則有白
眚白祥惟木沴金

說曰言之不從從順也是謂不乂乂治也孔子曰君子居其
室出其言不善則千里之外違之况其邇者乎詩曰如蜩音調
如蟴音唐如沸如羹言上號令不順人心虛譁音華憤亂則不能
治海內失在過差故其咎僭差也刑罰妄加群陰不附則陽
氣勝故其罰常陽也早傷百穀則有寇難上下俱憂故其極
憂也君炕音苦陽而暴虐臣畏刑而箝音淹口則怨謗之氣
發於歌謠故有詩妖介蟲孽者謂小蟲有甲飛揚之類陽氣
所生也於春秋為蝻音終今謂之蝗皆其類也於易兌為口犬
以吠守而不可信言氣毀故有大過一曰旱歲犬多狂死及



為惟亦是也及人則多病口喉欬苦愛嗽蘇豆者故有曰舌

病金色白故有白青白祥凡言傷者病金氣金氣病則木沱

之其極憂者順之其福康寧劉歆言傳曰時則有毛蟲之孽

說以為天文西方參為獸星故為毛蟲

傳曰視之不明是謂不慙厥咎舒厥罰恒與厥極疾時則有草

妖時則有羸蟲之孽師古曰蠱螟之類無鱗甲毛羽故謂之羸蟲也音即果反時則有羊禍

時則有目病時則有赤青赤祥惟水沱火

說曰視之不明是謂不慙慙知也詩云不明爾德時無背無

側爾德不明以無陪無卿師古曰大雅蕩之詩也言不別善惡有逆背傾則者有堪為卿大夫

者皆不知之也反古側也言上不明暗昧蔽惑則不能知善惡親近習長

同類師古曰習狎也近狎者則亾功者受賞有罪者不殺百

官廢亂失在舒緩故其咎舒也盛夏日長暑以養物政弛緩

故其罰常與也與則冬溫春夏不和傷病民人故極疾也誅

不行則霜不殺草蹂臣下則殺不以時師古曰蹂讀與由同言誅罰由於臣下

故有草妖凡妖貌則以服言則以詩聽則以聲視則以色者

五色物之大分也在於青祥故聖人以為草妖失秉之明者

也師古曰謂失所執也之難也音彼命反溫與生蟲故有羸蟲之孽謂螟螣之類

師古曰螟食苗心螣食苗葉之蟲也螟音真螣音徒得反當死不死未當生而生或多於

故而為灾也劉歆以為屬思心不容於易剛而包柔為離師

曰兩陽居外一陰居內故云剛包柔離為火為目羊上角下號剛而包柔羊大

目而不精明視氣毀故有羊既一曰暑歲羊多疫死及為恠

亦是也及人則多病目者故有目病火色赤故有赤眚赤祥

凡視傷者病火氣火氣傷則水沱之其極疾者順之其福曰

壽李奇曰於大極之中為災者逆火氣致疾病也能順火氣則福更為福劉歆視傳曰有羽蟲

之孽雞既說以為天文南方喙為鳥星故為羽蟲既亦從羽

故為雞雞於易自在巽說非是庶徵之恒與劉向以為春秋

亡冰也小與不書無冰然後書舉其大者也京房易傳曰祿
不遂行茲謂歎厥然與雨雪四至而溫臣安祿樂逸茲謂亂
與而生蟲知罪不誅茲謂舒其與夏則暑殺人冬則物華實
重過不誅茲謂亡徵其外當寒而與六日也

傳曰聽之不聰是謂不謀厥咎急厥罰恒寒厥極貧時則有鼓
妖時則有魚孽時則有豕禍時則有耳痾時則有黑青黑祥
火沴水

說曰聽之不聰是謂不謀言上偏聽不聰下情隔塞則不能
謀慮利害失在嚴急故其咎急也盛冬日短寒以殺物政促
迫故其罰常寒也寒則不生百穀上下俱貧故其極貧也君
嚴猛而閉下臣戰栗而塞言則妄聞之氣發於音聲故有鼓
妖寒氣動故有魚孽雨以龜為孽服虔曰多雨則龜多出龜能陸處非
極陰也魚去水而死極陰之孽也於易坎為豕豕大耳而不

聰察聽氣毀故有豕禍也一曰寒歲豕多死及為惟亦是
及人則多病耳者故有耳痾水色黑故有黑青黑祥凡聽
者病水氣水氣病則火沴之其極貧者順之其福曰當劉歆
聽傳曰有介蟲孽也

傳曰思之不睿是謂不聖厥咎霧莫豆反厥罰恒風厥極凶短折
時則有脂夜之妖時則有華孽時則有牛禍時則有心腹之痾
時則有黃青黃祥時則有金木水火沴土

說曰思心之不睿是謂不聖思心者心思慮也容寬也孔子
曰居上不寬吾何以觀之哉言上不寬大包容臣下則不能
居聖位貌言視聽以心為主四者皆失區霧無識師占曰區霧音莫豆反故其咎霧也雨旱寒與亦以風為本四氣皆亂
故其罰常風也常風傷物故其極凶短折也傷人曰凶禽獸
曰短草木曰折一曰凶夭也兄喪弟曰短父喪子曰折在人

腹中肥而包裹心者脂也心區霧則冥晦故夜脂夜之妖師古曰脂

妖反一曰有脂物而夜為妖若脂水夜汗人衣濡之象也一

曰夜妖者雲風並起而杳冥故與常風同象也温而風則生

蠃螽有裸蟲之孽師古曰裸亦羸字也從衣果聲劉向以為於易巽為風為

木卦在三月四月繼陽而治木主之華實風氣盛至秋冬木

復華故有華孽一曰地氣盛則秋冬復華一曰華者色也土

為內事為女孽也於易坤為土為牛牛大心而不能思慮思

心氣毀故有牛禍一曰牛多死及為恠亦是也及人則多病

心腹者故有心腹之病土色黃故有黃青苗祥凡思心傷者

病土氣土氣病則金木水火沴之故曰時則有金木水火沴

土不言惟而獨曰時則有者非一衝氣所沴明其異大也其

極曰凶短折頌之其福曰考終命劉歆思心傳曰時則有羸

蟲之孽謂蠃螽之屬也

傳曰皇之不極是謂不建厥咎音厥罰恒陰厥極弱時則有

射妖時則有龍蛇之孽時則有馬禍時則有下人伐上之疴鄭

曰夏侯勝說伐宜為代書亦或作代陰陽之神曰精氣情性之

神曰寃寃君行不由常調張無度則有寃寃傷也王極氣失之

病也天於不中之人恒者其毒增以為病將以開賢代之也

春秋傳所謂奪伯有寃者是也不名病者病不著於身體也時

則有日月亂行星辰逆行

說曰皇之不極是謂不建皇君也極中建立也人君貌言視

聽思心五事皆失不得其中則不能立萬事失在眊悖故其

咎眊也師古曰眊不明也悖惑也音布內反王者自下承天理物雲起於山而

彌於天師古曰彌滿也天氣亂故其罰常陰也一曰上失中則下疆

盛而蔽君明也易曰亢龍有悔貴而亡位高而亡民賢人在

下位而亡輔師古曰乾上九文言也如此則君有南面之尊而亡一人

之助故其極弱也盛陽動進輕疾服虔曰陽行輕且疾也禮春而大射

以順陽氣韋昭曰將祭與羣臣射謂之大射上微弱則不奮動故有射妖易

曰雲從龍

師古曰乾九五文言

又曰龍蛇之蟄以在身也

師古曰下陰繫辭也

氣動故有龍蛇之孽於易乾為君為馬馬任用而彊力君氣毀故有馬禍一曰馬多死及為恠亦是也君亂且弱人之所叛天之所去不有明王之誅則有篡弑之禍故有下人伐上之病凡君道傷者病天氣不言五行沴天而曰日月亂行星辰逆行者為若下不敢沴天猶春秋曰王師敗績于貿戎不言敗之者以自敗為文尊尊之意也劉歆皇極傳曰有下體生上之病說以為下人伐上天誅已成不得復為病云

唐史五行志序曰萬物盈於天地之間而其為物最大且多者有五一曰水二曰火三曰木四曰金五曰土其用於人也非此五物不能以為生而闕其一不可是以聖王重焉夫所謂五物者其見象於天也為五星分位於地也為五方行於四時也為五德稟於人也為五常播於音律為五聲發於文

章為五色總其精氣之用謂之五行自三代之後數術之士興而為災異之學者務極其說至舉大地萬物動植無大小皆推其類而附之於五物曰五行之屬以謂人稟五行之全氣以生故於物為最靈其餘動植之類各得其氣之偏者其發為莢華美實氣臭滋味羽毛鱗介文采剛柔亦皆得其一氣之盛至其為變性非常失其本性則推以事類吉凶影響其說尤為委曲繁密蓋王者之有天下也順天地以治人而取材於萬物以足用若政得其道而取不過度則天地順成萬物茂盛而民以安樂謂之至治若政失其道用物傷天民被其害而愁苦則天地之氣沴三光錯行陰陽寒暑失節以為水旱蝗螟風雹雷火山崩水溢泉竭雪霜不時雨非其物或發為氛霧虹蜺光恠之類此天地災異之大者皆生於亂政而考其所發驗以人事徃徃近其所失而以類至然時有

推之不能合者豈非天地之大固有不可知者邪若其諸物種類不可勝數下至細微家人里巷之占有考於人事而合者有漠然而無所應者皆不足道語曰迅雷風烈必變蓋君子之畏天也見物有反常而為變者失其本性則思其有以致而為之戒懼雖微不敢忽而已至為災異之學者不然莫不指事以為應及其難合則旁引曲取而遷就其說蓋自漢儒董仲舒劉向與其子歆之徒皆以春秋洪範為學而失聖人之本意至其不通也父子之言自相戾可勝歎哉昔者箕子為周武王陳禹所有洪範之書條其事為九類別其說為九章謂之九疇考其說為不相附屬而向為五行傳乃取其五事皇極庶證附於五行以為八事皆屬五行歟則至於八政五紀三德稽疑福極之類又不能附至俾洪範之害失其倫理有以見所謂旁引曲取而遷就其說也然自漢以來未

有非之者又其祥禱禍病之說自其數術之學故畧存之庶幾深識博聞之士有以考而擇焉夫所謂災者被於物而可知者也水旱螟蝗之類是已異者不可知其所然者也日食星孛五石六鷁之類是已孔子於春秋記災異而不著其事應蓋慎之也以謂天道遠非諄諄以諭人而君子見其變則知天之所以謹告恐懼修省而已若推其事應則有合有不合有同有不同至於不合不同則將使君子怠焉以為偶然而不懼此其深意也蓋聖人慎而不言如此而後世猶為曲說以妄意天此其不可以傳也故考次武德以來畧依洪範五行傳著其災異而削其事應云

老泉蘇氏曰五行含羅九疇者也五事檢御五行者也皇極裁節五事者也今夫皇極之建也必恭恭作肅言必從從作又視必明明作哲聽必聰聰作謀思必睿睿作聖如此則

五行得其性雨暘燠寒風皆時而五福應矣若夫皇極之不
建也貌不恭厥咎狂言不從厥咎僭視之不明厥咎豫聽不
聰厥咎怠思不睿厥咎蒙如此則五行失其性雨暘燠寒風
皆常而六極應矣欲向之惑始於福極分應五事遂強為之
說故其失浸廣而有五焉今其傳以極之惡福之攸好德歸
諸貌極之憂福之康寧歸諸言極之疾福之壽歸諸視極之
貧福之富歸諸聽極之凶短折福之考終命歸諸思所謂福
止此而已所謂極則未盡其弱焉遂曲引皇極以足之劉向
傳云皇極不皇極非五事匹其不建之咎止一極之弱哉其
失一也且逆而極順而福傳之例也至皇之不極則其極既
弱矣吾不識皇之極則天將以何福應之哉若曰五福偕應
則皇之不極惡憂疾貧凶短折曷不偕應哉此乃自廢其例
其失二也箕謂咎曰狂僭豫急蒙而已罰曰雨暘燠寒風而

已今傳又增咎以耗增罰以陰五行傳云皇之不極此其擾
聖人之言以就固謬况耗與蒙無異而陰可兼之而別名之
得乎其失三也經之首五行而次五事者徒以五行天而五
事人人不可以先天耳然五行之逆順必視五事之得失使
吾為傳必以五事先五行偕如傳貌之不恭是謂不肅厥咎
狂而木不曲直厥罰常雨其餘亦如之察劉之心非不欲爾
蓋五行盡於思無以周皇極苟如庶驗增之則雖蠢亦恆駭
矣故離五行五事而為解以蔽其蒙其失四也傳之於木其
說以為貌矣及火土金水則思言視聽殊不及焉自相駁亂
其失五也夫九疇之於五行可以條而入者惟二箕子陳之
蓋有深旨矣五事一也庶驗二也驗之肅又哲謀聖一出於
五事事之貌言視聽思一出於五行此理之自然可不條而
入之乎其他八政五紀三德稽疑福極其大歸雖無越於五

勿異

大戴禮卷之二十九

七

行五事非可條而入之考也條而入非理之自然故其傳必
鈎牽振援文致而附之然後可以僅知此福此極之所以
應此事者立言如此其亦勞矣且傳於福極既爾則於八政
五紀三德稽疑亦當耳而今又不爾何也經曰五皇極皇建
其有極欽時五福用敷錫庶民此言皇極建而五福備使
經云皇極之不建則必以六極易五福矣焉在其條而入之
乎且皇極九疇之尤貴者故聖人位之於中以貫上下譬如
庶驗然曰雨曰暘曰燠曰寒曰風曰時時於雨暘燠寒風各
冠其上耳又可列之為一驗乎若是則劉之傳或且強明矣
噫傳之法二劉唱之班固志之班固志之叙傳云河圖命庖洛書
秋之占咎證是舉生往知來後之史志五行者孰不師而效
王事之表述五行志後之史志五行者孰不師而效
之世之讀者又孰不從而然之是以膠為一論莫有考正吾
得無言哉

夾滌鄭氏曰仲尼既沒先儒駕以妖妄之說而欺後世後世
相承罔敢失墜者有兩種學一種妄學務以欺人一種妖學
務以欺天凡說春秋者皆謂孔子寓褒貶於一字之間以陰
中時人使人不可曉解三傳唱之於前諸儒從之於後盡推
已意而誣以聖人之意此之謂欺人之學說洪範者皆謂箕
子本河圖洛書以明五行之旨劉向創釋其傳於前諸史因
之而為志於後析天下灾祥之變而推之於金木水火土之
域乃以時事之吉凶而曲為之配此之謂欺天之學夫春秋
者成周之典也洪範者皇極之書也臣舊作春秋傳專以明
王道削去三家褒貶之說所以杜其妄今作灾祥畧專以記
實迹削去五行相應之說所以絕其妖且萬物之理不離五
行而五行之理其變無方離固為火矣而離中有水坎固為
水矣而坎中有火安得直以秋大水為水行之應成周宣榭

火爲火行之應乎况周得水德而有赤鳥之祥漢得火德而有黃龍之瑞此理又如何耶豈得晉厲公一視之遠周單公一言之徐而能關於五行之沴乎豈其晉申生一衣之偏鄭子臧一寇之異而能關於五行之沴乎如是則五行之繩人甚於三尺矣臣竊觀漢儒之說以亂世無如春秋之深災異無如春秋之衆者是不攷其實也臣每謂春秋雖三王之亂世猶治於漢唐之盛時何哉春秋二百四十二年而日食三十六唐三百年而日食過百舉春秋地震五漢和平中積二十一日而地百二十四動舉春秋山傾者二漢文帝時一年之間齊楚山二十九所同日圯舉春秋大水者八後漢延平中一月之間郡國三十六大水其他小小災異則二百四十年之事不及後世一年也如李梅冬實鸚鵡來巢之類在後世不勝書使春秋之人而觀見後世事豈但慟哭流涕而已

哉以春秋視後世不爲亂世也何哉後世之法度不及春秋之法度後世之人才不及春秋之人才其所以感和氣而弭災異者又安可望春秋乎嗚呼天地之間災祥萬種人間禍福冥不可知奈何以一蟲之妖一氣之戾而一一質之爲禍福之應其愚甚矣况凶吉有不由於災祥者宋之五石六鷁可以爲異矣而內史叔興以爲此陰陽之事非吉凶所生魏安平太守王基筮於管輅輅曰君家有三怪一則生男女墮地走入竈死二則大蛇床上嚼筆三則烏來入室與燕鬪兒入竈者宋無忌之妖蛇嚼筆者老書佐之妖烏與燕鬪者老鈴下之妖此三者足以爲異而無凶兆無所憂也王基之家卒以無患觀叔興之言則國不可以災祥論與衰觀管輅之言則家不可以變恠論休咎惟有和氣致祥乖氣致異者可以爲通論

按古今言災異者始於五行傳而歷代史氏所述災異因之然必曰某事召某災證合某應如醫師之脈訣占書之繇辭則其說大牽強而拘泥老泉之論足以正其牽強之失夾添之論足以破其拘泥之見然鄭論一歸之妖妄而以爲本無其事應則矯枉而至於過正矣是謂天變不足畏也不如蘇論之正大云

禮記禮運故聖王所以順山者不使居川不使渚者居中原而弗敝也使各安其居用水火金木飲食必時用水謂魚人以時漁爲梁春獻鱉屋秋獻鱉魚也用火謂司燔四時變國火以救時疾及季春出火李秋納火是也用金謂非人以時取金玉錫石也用木爲山虞仲冬斬湯水仲夏斬陰木飲食謂食齊視春合男女頒爵必當年德謂姝氏令男三十而娶女二十用民必順不奪農時故無水旱昆蟲之災民無凶饑妖孽之疾故天不愛其道地不愛其實人不愛其情言嘉瑞出人情至也故天降膏露地出醴泉山出器車河出馬

皇麒麟皆在郊椒龍在宮沼其餘鳥獸之郊胎皆可俯鏡也其器謂若銀龜川龍也椒聚草也○疏按禮緯十歲儀云其自圖曲也銀龜則是無故非有它事先王能脩禮以達義體言以達順故此順之實也

歐陽氏五代史王建世家論曰嗚呼自秦漢以來學者多言祥瑞雖有善辯之士不能祛其惑也予讀蜀書至於龍麟鳳騶虞之類也世所謂王者之嘉瑞莫不畢出於其國異哉然考王氏之所以興亡成敗者可以知之矣或以爲一王氏不足以當之則視當時天下治亂可以知之矣龍之爲物也以不見爲神以升雲行天爲得志今偃然暴露其形是不神也不上于天而下見於水中是失職也然其一何多歟可以爲妖矣鳳凰鳥之遠人者也昔舜治天下政成而民悅命夔作樂樂聲和鳥獸聞之皆鼓舞嘗是

之時鳳凰適至舜之央因并記以爲美後世因以鳳來爲
有道之應其後鳳凰數至或出於庸君繆政之時或出於
危亡大亂之際是果爲瑞哉麟獸之遠人者也昔魯哀公
出獵得之而不識蓋索而獲之非其自出也故孔子書於
春秋曰西狩獲麟者識之也西狩非其遠也獲麟惡其盡
取也狩必書地而哀公馳騁所涉地多不可徧以名舉故
書西以包舉地謂其舉國之西皆至也麟人罕識之獸也
以見公之窮山竭澤而盡取至於不識之獸皆獲索而獲
之故曰譏之也聖人已沒而異端之說興乃以麟爲三者
之瑞而附以符命讖緯詭恠之言鳳嘗出於舜以爲瑞猶
有說也及其後出於亂世則可以知其非瑞矣若麟者前
有治世如堯舜禹湯文武周公之世未嘗一出其一出而
當亂世然則孰知其爲瑞哉龜玄物也污泥川澤不可勝

數其死而貴於卜官者用適有宜爾而戴氏禮以其在宮
沼爲王者難致之瑞戴禮雜出於諸家其失亦以多矣騶
虞吾不知其何物也詩曰吁嗟乎騶虞實誼以謂騶者文
王之囿虞虞官也當誼之時其說如此然則以之爲獸者
其出於近世之說乎夫破人之惑者難與爭於篤信之時
待其有所疑焉然後從而攻之可也麟鳳龜龍王者之瑞
而出於五代之際又皆萃于蜀此雖好爲祥瑞之說者亦
可疑也因其可疑而攻之庶幾惑者有以思焉
致堂胡氏曰草木之秀異禽獸之珍竒雲物之變動無時
無之係時好與不好耳以爲祥瑞注意於多有雖元狩之
麟神爵之鳳尚可力致蓋嘗有好芝草者一日官吏入深
山窮谷間覆地皆芝也蓋數千萬本遂擇其尤者少取以
復命又况智巧之徒能僞造乎花卉可以染植增其態毛

羽可以銀銅變其色雖石漆木理猶且假幻使成文字惟上之人泊然無欲于此也苟欲之則四面而至矣漢章帝時以瑞物仍集改元章和而何敞謂宋由袁安曰夫瑞應依德而致災異緣政而生今異鳥翔於殿屋惟草生於庭除不可不察由安懼不敢答夫二人位冠群臣乃為諂媚之習蒙蔽之行以侈逸上心使忽忘警戒不亦昧於貴難正揀之道乎

按古今言祥瑞者詳於禮運而歷代史氏所述祥瑞因之然有無其證而有其應者又有反常為妖而謬以為祥者歐陽公胡氏致堂之論誼正詞偉足以祛千古之惑破諂子之謬故備著之

文獻通考卷之二百九十五

文獻通考卷之二百九十六

宋鄴陽 馬 端臨 貴與 著

物異考 明蘄陽 馮 天馭 應房 校刊

水災

春秋桓公元年秋大水董仲舒劉向以為桓弒兄隱公民臣痛隱而賤桓十三年復大水一曰夫人驕淫將弒君陰氣盛桓不悟卒見殺

莊公七年秋大水亡麥苗董仲舒劉向以為莊公母與兄通共弒桓公莊釋父讎復取齊女臣下賤之之應

身一年秋宋大水董仲舒以為時魯宋比年為乘丘鄆之戰百姓愁怨陰氣盛故二國俱水明年宋萬弒閔公

二十四年大水董仲舒以為夫人哀姜淫亂不婦陰氣盛也宣公十年秋大水董仲舒以為時北伐邾取邑亦見報復兵讎

連結百姓愁怨

成公五年秋大水董仲舒劉向以為時成幼弱政在大夫三家專兵陰勝陽

襄公二十四年秋大水劉向以為衰慢鄰國邾齊莒交伐之魯國小兵弱數敵強大百姓愁怨陰氣盛

漢高后三年夏漢中南郡大水水出流四千餘家

四年秋河南大水伊維流千六百餘家汝水流八百餘家

八年夏漢中南郡水復出流六千餘家南陽沔水流萬餘家是時女主獨治諸呂相王

文帝十二年十一月河決東郡後三年秋大雨晝夜不絕三十

五日藍田山水出流九百餘家滄壞民室八千餘所殺三百餘

人時新垣平得幸立渭陽五帝廟郊見上帝後歲餘謀為逆誅

文匈奴數犯北邊殺畧甚衆漢連歲征討

武帝建元三年春河水溢于平原

元光三年春河水徙從頓丘東流入渤海五月河水決濮陽汜

郡十六發卒十萬救決河起龍淵宮

元鼎二年夏大水關東餓死以千數

元帝初元元年關中十一郡大水

二年北海水溢流殺人民

五年夏及秋大水潁川汝南淮陽廬江雨壞鄉聚民舍及水流

殺人先是一年有司奏罷郡國廟是歲又定迭毀罷太上皇於

惠帝寢廟皆無復修刑臣石顯用事

成帝建始三年夏大水三輔霖雨三十餘日郡國十九雨山谷

水出凡殺四千餘人壞官寺民舍八萬三千餘所元年有司奏

徙甘泉泰畤河東后土于長安南北郊二年又罷雍五畤郡國

物異

文獻通考卷之三百九十六

二

崇禎三年重刊

四年河決東郡金隄

陽朔二年秋關東大水民流

王莽始建國二年河決魏郡泛清河以東數郡

後漢光武建武六年東郡以北傷水

七年六月戊辰維水溢至津城門弘農都尉治為水所漂殺民

人傷稼及廬舍

八年秋大水

三十一年五月大水

明帝永平三年京師及郡國七大水

七年秋郡國十四大水

和帝永元元年七月郡國九大水傷稼穀梁傳曰高下京房易

傳曰類事有知誅罰絕理厥災水其水也而殺人墮霜大風天

黃鐵山不損謂泰厥災水殺人辟遇有德茲謂狂厥災水流

緣人已水則地生蟲歸獄不解茲謂追非厥水寒終人追誅不

解茲謂不理厥水五穀不收人敗不解茲謂皆陰厥水流入國

邑墮霜殺穀春秋考異曰陰盛臣逆是時和帝幼竇太后攝

政其兄竇憲幹事及憲諸弟皆貴顯並作威儀嘗所怨恨輒

任客殺入其後竇氏誅滅

十年五月丁巳京師大雨山水流出至東郊壞民廬舍

十二年六月潁川大水傷稼時和帝幸鄧貴人廢陰后

殤帝延平元年五月郡國三十七大水傷稼董仲舒曰水者陰

氣盛也是時帝在襁抱鄧太后專政臣昭按本紀是年九月六

河濟涓維有水盛長泛溢傷秋稼

安帝永初元年冬十月辛酉河南新城山水遽出突壞民田壞

處泉水出深三丈是時司空周章等以鄧太后不立皇太子勝

而立清河王子故謀欲廢置十一月事覺章等被誅是年郡國

三

四十一水出漂没人民謝沈書曰死者以千數議曰水者純陰之精也陰

氣盛洋溢者小人專制擅權治疾賢者依公結私侵乘君子小

人席勝失懷得志故涌水為災

二年大水臣昭按本紀京師及郡國四十有水周嘉傳是夏旱嘉收葬客死骸骨應時雨成乃豐稔則水不為災也

三年大水臣昭按本紀京師及郡國四十一雨水

四年大水臣昭按本紀三郡

五年大水臣昭按本紀郡國八

六年河東池水變色皆赤如血水變占曰水化為血者好任殘賊殺戮不辜無及親戚水當為

是時鄧太后猶專政古今註曰元初二年穎川襄城臨山化血

日辰占與其色博物記曰江河亦占曰泣血道路迷緣於河以處

延光三年大水流殺人民傷苗稼定時安帝信江京樊豐及阿

海王勝等讒言免太尉楊震廢皇太子臣昭按左傳順帝末

建西角同真三州大水

傷稼楊厚傳永和元年夏雉陽暴水殺千餘人

質帝本初元年五月海水泛樂安北海溺殺人物是時帝幼梁

太后專政春秋漢含章曰九卿阿黨擠排正直驕奢僭害則江河潰矣方儲對策曰民悲怨則陰類強河決海澹地

動上

桓帝建和二年七月京師大水去年冬梁冀枉殺故太尉李固

杜喬

三年八月京都大水是時梁太后猶專政

永興元年秋河水溢漂害人物臣昭按宋穆傳云漂害數千萬戶京房占曰江河溢者天有制

度地有里數懷容水澤浸潤萬物今溢者明在位者不勝任也三公之禍不能容也率執法者刑罰不用常法

二年六月彭城泗水增長逆流梁冀別傳曰冀之專政天為見

流五里失次大白經天人民疾疫出入六年羌戎叛戾盜賊畧

平皆盡所致不能下及而教誨也昔潭

永壽元年六月雒水溢至津陽城門漂流人物臣昭按本紀是

勿星

之狀通卷三十九

四

時梁皇后兄冀秉政疾害忠直威權震主後遂誅滅

延熹八年四月濟北水清九年四月濟陰東郡濟北平原河水

清襄楷上言河者諸侯之象清者陽明之徵豈獨諸侯有規京

都計邪其明年宮車晏駕徵解犢亭侯為漢嗣即尊位是為孝

靈皇帝

永康元年八月六州大水渤海海溢沒殺人是時桓帝奢侈淫

祀十一月崩無嗣

靈帝建寧四年二月河水清袁山松書曰五月山水大出漂壞

廬舍五百餘家袁山松書曰是河東水暴出也

熹平二年六月東萊北海海水溢出漂流人物

三年秋雒水出

四年夏郡國三水傷害秋稼

光和六年金城河溢東出二十餘里

中平五年郡國六水大山臣昭按袁山松書荆山陽梁沛

獻帝建安二年九月漢水流害民人是時天下大亂袁山松書

熹平七年七月大水有溢

十八年六月大水魏帝居日以雨不止且還

二十四年八月漢水溢流害民人魏年

魏文帝黃初四年六月大雨霖伊洛溢至津陽城門漂數千家

殺人帝自即位自鄴遷洛營造宮室而不起宗廟太祖神主猶

在鄴嘗於建始殿饗祭如家人禮終黃初不復還鄴又郊社神

祇未有定位簡宗廟廢祭之罰也

明帝景初元年九月淫雨黃堯徐豫四州水出溺殺人漂失財

產帝崇飾宮室妨害農戰觸情恣欲水不潤下之應

吳孫權赤烏八年夏茶味、縣鴻水溢出漂二百餘家

十三年秋丹陽故鄣等縣又鴻水溢出按權稱帝三十年竟

不於建鄴創元廟唯父暨一廟遠在長沙而郊祀禮闕末年雖一南郊而北郊無闡吳楚之望亦不見失及祀羅陽妖神以求福助簡宗廟廢祭祀之罰也

太元元年又有大風涌水之異時權信讒廢太子又無年不用兵百姓愁怨

孫亮五鳳元年夏大水亮即位四年乃立權廟又終吳世不上祖宗號脩嚴父禮廢二郊不秩群神罰同前又時孫峻專政陰勝陽之應

孫休永安四年五月大雨水泉湧溢昔歲作浦里塘功費無數而出不可成士卒死叛或自賊殺百姓愁怨陰氣盛

五年八月壬午大雨震電水泉湧溢
晉武帝泰始四年九月青徐兗豫四州大水
七年六月大雨霖河洛伊泌皆溢殺三百餘人自帝即尊位不

加三后祖宗之號

泰始二年又除明堂南郊玉帝座同稱昊天上帝一位而已又省先后配地之祀此簡宗廟廢祭祀之罰也

咸寧元年九月徐州大水

二年七月癸亥河南魏郡暴水殺百餘人閏月荊州郡國五大水流四十餘家去年采擇良家女子露面入殿帝親簡閱務在姿色不訪德行有蔽匿者以不敬論搢紳愁怨天下非之陰盛之應也

三年六月益梁二州郡國八暴水殺三百餘人七月荊州大水九月始平郡大水十月青徐兗豫荆益梁七州又大水是時賈充等用事專恣而正人踈外者多陰氣盛也
四年七月司冀秦豫荆揚郡國二十大水傷秋稼壞屋室有死者

大康二年六月泰山江大水泰山流三百家殺六千餘人江夏亦殺人時平吳後王濬爲元功而誣劾妄如荀賈爲無謀而並蒙重賞收吳姬五千納之後宮此其應也

四年七月兖州大水十二月河南及荆揚六州大水

五年九月郡國四大水又殞霜是月南安等五郡大水

六年四月郡國十大水壞廬舍

七年九月郡國八大水

八年六月郡國八大水

惠帝元康二年有水災

五年五月潁川淮南大水六月城陽東莞大水殺人荆揚徐

兖豫五州又水是時帝即位已五載猶未郊祀其蒸嘗亦多不

親行事此簡宗廟廢祭祀之罰

六年五月荆揚二州大水是時賈后亂朝竊獨賈郭女主專政

陰氣盛之應也

八年五月金塘城井溢漢志成帝時有此妖後王莽僭逆今有

此妖趙王倫篡位倫廢帝於此城井溢所在其天意也九月荆

揚徐冀豫五州大水是時賈后暴戾滋盛韓謚驕猜弼扇卒害

太子旋以禍滅

九年四月官中井水沸溢

永寧元年七月南陽東海大水是時齊王問反專政陰盛之

意也

太安元年七月兖豫徐冀四州水時將相力政無尊主心陰盛

故也

元帝大興三年六月大水是時王敦內懷不臣撤狼陵止此陰

氣盛也

四年七月又大水

物異

文獻通考卷三百九十六

七

永昌二年五月荊州及丹陽宣城吳興壽春大水

明帝太寧元年五月丹陽宣城吳興壽陽大水是時王敦威權震主陰氣盛故也

成帝咸和元年五月大水是時嗣主幼冲母后稱制庾亮以元舅決事禁中陰勝陽故也

二年五月戊子京都大水是冬以蘇峻稱兵都邑塗地七年五月大水是時帝未親機務政在大臣陰盛陽也

咸康元年八月長沙武陵大水

穆帝永和四年五月大水

五年五月大水

六年五月又大水時幼主冲弱母后臨朝又將相大臣各執權政與咸和初同事也

七年七月甲辰夜濤水入石頭死者數百人是時殷浩以私忿

廢禁謨遐邇非之又幼主在上而殷桓交惡選徒聚甲各崇私權陰盛陽之應也一說濤水入石頭以為兵占是後殷浩桓溫謝尚荀羨連年征伐百姓愁怨也

升平二年五月大水

五年四月又大水是時桓溫權制朝廷專征伐陰勝陽也

海西太和六年六月京師大水平地數尺浸及太廟朱雀大航纜斷三艘流入大江丹陽晉陵吳郡吳興臨海五郡又大水稻稼蕩沒黎庶饑饉初四年桓溫北伐敗績十喪其九五年又征淮南踰歲乃刻百姓愁怨之應也

簡文帝咸安元年十二月壬午濤水入石頭明年祅賊盧諶率其屬數百人入殿奪取武庫三庫申伏游擊將軍毛安之討滅之兵興陰盛之應也

孝武帝大元三年六月大水是時帝幼弱政在將相

五年五月大水

六年六月揚荊江三州大水

八年三月始興南康廬陵大水平地五丈

十年五月大水自八年破符堅後有事中州役無寧歲愁怨之應

十三年十二月濤水入石頭毀大航殺人明年慕容氏寇揚司

十五年七月沔中諸郡及兖州大水是時綠河紛爭征戍勤悴之應也

十七年六月甲寅濤水入石頭毀大航漂船船有死者京口西

浦亦濤入殺人永嘉郡潮水湧起近海四縣人多死後四年帝崩而王恭再攻京師京師亦發衆以禦之役頻興百姓愁怨之應也

十八年六月己亥始興南康廬陵大水深五丈

十九年七月荆徐大水傷秋稼

二十年六月荆徐又大水

安帝隆安三年五月荆州大水平地三丈去年殷仲堪舉兵向京師是年春又殺郗恢陰盛作威之應也仲堪尋亦敗亡

五年五月大水是時會稽王世子元顯作威陵上又桓玄擅西夏孫恩亂東國陰勝陽之應也

元興二年十二月桓玄篡位其明年二月庚寅夜濤水入石頭商旅方舟萬計漂敗流斷骸骨在智相望江左雖頻有濤變未

有若斯之甚二月義軍剋京都玄敗走遂夷滅之

三年二月己丑朔夜濤水入石頭漂沒殺人大航流敗義熙二年十二月己未夜濤水入石頭明年駱球父環潛結桓胤殷仲文等謀作亂劉稚亦謀反凡所誅滅數十家

三年五月景午大水

四年十二月戊寅濤水入石頭明年王旅北討

六年五月丁巳大水乙丑盧循至蔡州

八年六月大水

九年五月辛巳大水

十年五月丁丑大水戊寅西明門地穿涌水出毀門扇及限亦

水沴土也七月乙丑淮北風災大水殺人

十一年七月丙戌大水淹漬太廟百官赴救明年王旅北討關

河

宋文帝元嘉五年六月都下大水

七年十二月吳興晉陵義興大水

十二年六月丹陽淮南吳興義興大水都下乘船

十七年八月徐兗青冀四州大水

十八年五月甲申 水汎溢害居人

十九年閏五月都下水

二十四年徐兗青冀四州大水

二十五年冬青州城南遠望見地中如水出有影謂之地鏡

宋孝武大明元年正月庚午都下雨水

齊武帝永明九年吳興義興大水

廢帝承元元年七月都下大水死者甚衆

梁武帝天監二年六月太末信安安豐三縣大水春秋考異郵

曰陰盛臣逆人悲則水出河決時江州刺史陳伯之益州刺史

劉季連舉兵反叛師旅數興百姓愁怨臣逆人悲之應也

六年八月建康大水濤上御道七尺

七年五月建康又大水時數興師旅以拒魏軍

十二年四月建康大水時大發卒築浮山堰以遏淮水勞運連

勿異

文獻通考卷三百九十六

十一

崇禎五年重刊

年百姓悲怨之應也

普通元年七月巳卯江淮海並溢

中大通五年五月建康大水御道通船京房易飛候曰大水至

國賤人將貴蕭棟侯景僭稱尊號之應也

後魏宣武帝元年州鎮十八水饑

延昌元年郡國十一大水

二年十三郡大水

孝靜帝元象元年山東大水蝦蟇曝於樹上

後齊河清二年十二月兗趙魏三州大水

天統二年并州汾水溢識曰水者純陰之精陰氣洋溢者小人

專制時和士開元文遙趙彥深等專任

武平六年八月山東諸州大水時群小用事姦佞滿朝

隋文帝開皇六年 南荆浙七州水

十八年河南八州大水時獨孤后預政楊素頗專水陰氣臣妾

盛強之應 仁壽二年河南河北諸州大水時帝用刑嚴急京房易傳誅罰

絕理則厥災水 煬帝大業三年河南大水漂沒三十餘郡帝嗣位已來未親郊

廟之禮簡宗廟廢祭祀之應也 唐貞觀三年秋貝譙鄆泗沂徐亳蘇隴九州水水太陰之氣也

若臣道顯女謁行夷狄彊小人道長嚴刑以逞下民不堪其憂

則陰類勝其氣應而水至其謫見于天月及辰星與列星之司

水者為之變若七曜循中道之比皆水祥也 四年秋許戴集三州水

七年八月山東河南州四十大水 八年七月山東江淮大水

物異

文獻通考卷三百九十六

十一

十年關東及淮海旁州二十八大水

十一年七月癸未黃氣際天大雨穀水溢入洛陽宮深四尺壞左掖門毀官寺十九洛水漂六百餘家九月丁亥河溢壞陝州之河北縣及太原倉毀河陽中渾

十六年秋徐戴二州大水

十八年秋穀襄豫荆徐梓忠綿宋亳十州大水

十九年秋沁易二州水害稼

二十一年八月河北大水泉州海溢驩州水

二十二年夏瀘越徐交渝等州水

永徽元年六月新豐渭南大雨零口山水暴出漂廬舍宣歙饒

常等州大雨水溺死者數百人秋齊定等十六州水

二年秋汴定濮亳等州水

四年杭夔思忠等州水

五年五月丁丑夜大雨麟遊縣山水衝萬年宮玄武門入寢殿衛士有溺死者六月河北大水滹沱溢損五千餘家

六年六月商州大水秋冀沂密堯滑汴鄭婺等州水害稼洛州

大水毀天津橋十月齊州河溢

顯慶元年九月温州暴風雨海水溢壞安固永嘉一縣

四年七月連州山水暴出漂七百餘家

麟德二年六月鄆州大水壞居人廬舍

總章二年六月括州大風雨海溢壞永嘉安固二縣溺死者九

千七十人冀州大雨水平地深一丈壞民居萬家

咸亨元年五月丙戌大雨山水溢溺死者五千餘人

二年八月徐州山水漂百餘家

四年七月婺州大雨山水暴漲溺死五千餘人

上元三年八月青州大風海溢漂居人五千餘家齊淄等七州

勿是

文獻通考卷三百九十六

十二

崇禎三年重刻

大水

永隆元年九月河南河北大水溺死者甚衆

二年八月河南河北大水壞民居十萬餘家

永淳元年五月丙午東都連日澍雨乙卯洛水溢壞天津橋及

中橋漂居民千餘家六月乙亥京師大雨水平地深數尺秋山

東大雨水大饑

二年七月己巳河溢壞河陽橋八月恒州滹沱河及山水暴出

害稼

文明元年七月溫州大水漂千餘家括州溪水暴漲溺死百餘

人

如意元年四月洛水溢壞永昌橋漂居民四百餘家七月洛水

溢漂居民五千餘家八月河溢壞河陽縣

長壽二年五月棗州河溢壞居民二千餘家是歲河南州十一

神功元年三月括州水壞民居七百餘家是歲河南州十九水

聖曆二年七月丙辰神都大雨洛水壞天津橋秋河溢懷州漂

千餘家

三年三月辛亥鴻州水漂千餘家溺死四百餘人

長安三年六月寧州大雨水漂二千餘家溺死千餘人

四年八月瀛州大水壞民居數千家

神龍元年四月雍州同官縣大雨水漂居民五百餘家六月河

北州十七大水七月甲辰洛水溢壞民居二千餘家

二年四月辛丑洛水壞天津橋溺死數百人八月魏州水

景龍三年七月澧水害稼九月密州水壞民居數百家

開元三年河南河北水

四年七月丁酉洛水溢沉舟數百艘

五年六月甲申灑水溢溺死者千餘人鞏縣大水壞城邑損居民數百家河南水害稼

八年夏契丹寇營州發關中卒援之宿澠池之缺門營穀水上夜半山水暴至萬餘人皆溺死六月庚寅夜穀洛溢入西上陽宮宮人死者十七八畿內諸縣田稼廬舍蕩盡掌衛兵溺死千餘人京師興道坊一夕陷爲池居民五百餘家皆沒不見是年鄧州三鴉口大水塞谷或見二小兒以水相沃須臾有蛇大十圍張口仰天人或斬射之俄而暴雨漂溺數百家

十年五月辛酉伊水溢毀東都城東南隅平地深六尺河南許僊豫陳汝唐鄧等州大水害稼漂沒民居溺死者甚衆六月懷州棣州河決

十二年六月豫州大水八月兗州大水十四年秋天下州五十水河南河北尤甚河及支川皆溢懷

黃滑汴濮人或巢或舟以居死者千計潤州大風自東北海濱沒瓜步

十五年五月晉州大水七月鄧州大水溺死數千人洛水溢入鄜城平地丈餘死者無算壞同州城市及馮翊縣漂居民二千餘家八月澗穀溢毀澠池縣是秋天下州六十三大水害稼及居人廬舍河北尤甚

十八年六月壬午東都灑水溺揚楚等州租船洛水壞天津永濟二橋及民居千餘家

二十年秋宋滑兗鄆等州大水

二十二年秋關輔河南州十餘水害稼

二十七年三月澧袁江等州水

二十八年十月河南郡十三水

二十九年七月伊洛及支川皆溢害稼毀天津橋及東西漕上

陽宮仗舍溺死千餘人時秋河南河北郡二十四水害稼
天寶四載九月河南淮陽睢陽譙四郡水十載廣陵大風駕海
潮沉江口船數千艘

十三載九月東都灑洛溢壞十九坊

廣德元年九月大雨水平地數尺時土蕃寇京畿以水自漫去
二年五月東都大雨洛水溢漂二十餘坊河南諸州水
大曆元年七月洛水溢

二年秋湖南及河東河南淮南浙東西福建等道州五十五水
災

七年二月江州江溢

十年七月杭州海溢

十一年七月戊子夜澍雨京師平地水尺餘溝渠漲溢壞民居
千餘家

十二年秋京畿及宋毫滑三州大雨水害稼河南尤甚平地深
五尺河溢

建中元年幽鎮魏博大雨易水滹沱橫流自山而下轉石折樹
水高丈餘苗稼蕩盡

貞元二年六月丁酉大風雨京城通衢水深數尺有溺死者東
都河南荆南淮南江河溢

三年三月東都河南江陵汴揚等州大水
四年八月灑水暴溢殺數百人

八年秋自江淮及荆襄陳宋至于河朔州四十餘大水害稼溺
死二萬餘人漂沒城郭廬舍幽州平地水深二丈徐鄭涿薊檀
平等州皆深丈餘

八年六月淮水溢平地七尺沒泗州城

十一年十月朗蜀二州江溢

十二年四月福建二州大水嵐州暴雨水深一丈
十八年春申光蔡等州大水

永貞元年夏朗州之熊武五溪溢秋武陵龍陽二縣江水溢漂
萬餘家京畿長安等九縣山水害稼

元和元年夏荆南及壽幽徐等州大水

四年十月丁未濟南暴雨水漂民居二百餘家

六年七月郵坊黔中水

七年正月振武河溢毀東受降城五月饒撫虔吉信五州暴雨

虔州尤甚平地有深至四十丈者

八年五月陳州許州大雨大隗山摧水流出溺死者千餘人六

月庚寅大風毀屋揚瓦人多壓死京師大水城南深丈餘入明

德門猶漸車輻辛卯渭水漲絕濟時所在百川發溢多不田故

道滄州水潦浸鹽山等四縣

九年秋淮南及岳安宣江撫袁等州大水害稼

十一年五月京畿大雨水昭應尤甚衢州山水害稼深三丈毀

州郭溺死百餘人六月密州大風雨海溢毀城郭饒州浮梁樂

平二縣暴雨水漂沒四千餘戶潤常湖陳許五州及京畿水害

稼

十二年六月乙酉京師大雨水含元殿一柱傾市中水深三尺

毀民居二千餘家河南河北大水洛邢尤甚平地三丈河中江

陵幽澤潞晉隰蘇台越州水害稼

十五年秋洪吉信滄等州水

長慶二年七月河南陳許蔡等州大水好時山水漂民居三可

餘家虔州大雨水平地深八尺壞城邑桑田大半

四年夏蘇湖二州大雨水太湖決溢陸州及壽州之霍山山水

暴出鄆曹濮三州雨水壞州城民居田稼畧盡襄均復鄆四州

物異

文獻通考卷三百九十六

十六

漢水溢決

寶曆元年秋鄜坊二州暴水充海華三州及京畿奉天等六縣水害稼

太和二年夏京畿及陳滑二州水害稼河陽水平地五尺河決壞棧州城越州大風海溢河南鄆曹濮淄青德兗海等州並大水

三年四月同官縣暴水漂沒三百餘家宋毫徐等州大水害稼

四年夏江水溢沒舒州太湖宿松望江三縣民田數百戶鄜坊

水漂三百餘家浙西浙東宣歙江西鄜坊山南東道淮南京畿河南江南荆襄鄂岳湖南大水皆害稼

五年六月玄武江漲高二丈溢入梓州羅城淮西浙東浙西荆襄岳鄂東川大水害稼

六年二月蘇湖二州大水六月徐州大雨壞民居九百餘家

八年秋江西及襄州水害稼蘄州湖水溢滁州大水溺萬餘戶開成元年夏鳳翔麟游縣暴雨水毀九成宮壞民舍數百家死者百餘人

三年夏河決浸鄭滑外城陳許鄜坊鄂曹濮襄魏博等州大水江漢漲溢壞坊均荆襄等州民居及田產殆盡蘇湖處等州水溢入城處州平地八尺

四年秋西川滄景淄青大雨水害稼及民廬舍德州尤甚平地水深八尺

會昌元年七月江南大水漢水壞襄均等州民居甚衆

大中十二年八月魏博幽鎮兗鄆沂宋舒壽和潤等州水害稼徐泗等州水深五丈漂沒數萬家

十三年夏大水

咸通元年潁州大水

物異

文獻通考卷三百九十六

七

四年閏六月東都暴水自龍門毀定鼎長夏等門漂溺居人七月東都許汝泗等州大水傷稼九月孝義山水深三丈破武牢關金城門汜水橋

六年六月東都大水漂壞十二坊溺死者甚衆

七年夏江淮大水秋河南大水害稼

十四年八月關東河南大水

乾符三年關東大水

光化三年九月浙江溢壞民居甚衆

乾寧三年四月河圯于滑州朱全忠決其隄因爲二河散漫千餘里

梁開平四年十月滑宋許亳水

後唐同光二年秋水災

三年七月洛水泛漲壞天津橋漂近河廬舍艤舟爲渡覆沒者

時有之鄴都奏御河漲於石灰窰口開故河道以分水勢鞏縣河決注倉敖

長興二年七月諸州大水宋亳穎尤甚

晉天福四年七月西京大水伊洛瀍澗皆溢壞天津橋八月河決博平甘陵大水

六年九月河決於滑州一溉東流居民登丘冢爲水所隳詔所在發舟船以救之兗州濮州界皆爲水所漂溺兗州奏河水東流闊七十里水勢南流入沓河及揚州河

開運元年六月黃河洛河泛溢壞堤堰鄭州原武滎澤縣界河決

周廣順二年七月暴風雨京師水深二尺壞墻屋不可勝計諸州皆奏大雨所在河渠泛溢害稼

三年六月諸州大水襄州漢江漲溢壞羊馬城大城內水深一

丈五尺倉庫漂盡居人溺者甚衆

宋建隆元年十月棣州河決壞厭次商河二縣居民廬舍田疇
二年宋州汴水溢孟州河溢壞堤蔡州大霖雨壞道路行舟襄
州漢水漲溢數丈

四年八月齊州河決

乾德二年四月揚州廣陵揚子等縣湖水害民田七月泰州山
水暴漲壞居民廬舍數百區牛畜死者甚衆

三年七月蘄州大雨水壞居民廬舍開封府河溢陽武塞縣門
河中府孟州並河漲孟州壞渾軍管民舍數百區河中壞石臺
百餘步澶州河壞隄毀護岸石百八十步又溢于鄆州壞民田
泰州湖溢損鹽城縣民田淄州濟水並清河溢害鄒平高苑縣
民田

四年四月鄆州東河縣河溢頃民田數百頃澶州觀城縣河決

壞居民廬舍注上八名又滑州靈河縣堤壞水東注衛南縣境及

曹州南華縣城鄭州滎澤縣河水溢河南北堤壞八月宿

州水溢壞堤淄州清河水溢尚苑縣城溺數百家及鄆平

縣田民舍泗州淮溢衛州大

五年衛州河溢毀州城沒溺者衆城中水深五尺

六年六月州府二十三大雨水江河汎溢壞民田廬舍

開寶二年二月車駕駐潞州積雨累止七月宋州下邑縣

河決九月京師大雨霖是歲青蔡宿滑州水及電害夏苗直

定府澶滑澤博洛齊類蔡陳宋毫宿許州水害秋苗

三年鄭澶滑鄆淄濟統蔡解徐岳州水害

四年六月汴水決宋州穀熟縣濟陽鎮又鄆州河及汶水清河

皆溢注東阿及陳空鎮壞倉庫民舍鄭州河決原武縣蔡州

淮及白露舒汝廬類五水並漲壞廬民田七月青齊州水傷

五年五月京師雨連旬不止河決澶州濮陽縣河南河北諸州皆言大雨霖絳和廬壽州大水六月河又決開封府陽武縣之小劉村宋州鄭州並汴水決忠州江水漲二百尺
六年六月鄆州河決楊劉口懷州河決獲嘉潁州淮澤水溢滄民舍田疇甚衆七月貝州歷亭縣河決單濮州並大雨水壞州倉庫軍營民舍是秋大名府水毫淄青汝澶滑州並水傷田
七年四月衛毫州水泗州淮暴漲入城壞居民五百家相州安陽河漲壞居民廬舍數百區
八年五月京師大雨水濮州河決郭龍村六月澶州河決頓丘縣沂州大雨水入城壞屋舍田疇
九年二月京師大雨水秋文霖雨淄州水害田

太平興國二年六月孟州河溢又漲于澶州壞夾公村堤三十步陝州壞浮梁失舟十五開州府汴水溢壞大寧隄浸害民田忠州江漲二十五丈又興州江漲毀棧道四百餘間鄭州管城縣焦肇水暴漲踰京水濮州大水害民田凡五千七百四十三戶潁川潁水漲壞城門軍營民舍七月集州江漲汎嘉縣民十三戶是歲道州春霖雨不止平地水二丈餘
三年五月懷州河決獲嘉縣北注又汴水決宋州寧陵縣境六月泗州淮漲溢入南城汴水又漲一丈塞州北門十月滑州靈河縣已塞復決
四年三月河南府洛水漲七尺五十壞民舍秦州雨水害稼宋州河決宋城縣衛州河決汲縣新堤八月梓州江漲壞閭道營舍九月澶州河漲陷浮梁上圍十六鄆州清汶二水漲壞東阿縣民由

勿異

文獻通考卷一百一十二

二十一

五年五月京師連旬雨不止潁州潁水溢壞堤及民舍徐州白溝河溢入州城七月復州江水漲毀民舍隄塘皆壞

六年河中府河漲陷連堤溢入城壞軍營七所民舍百餘區鄜延寧州並三河水漲溢入州城鄜州壞軍營延州壞倉廩軍民廬舍千六百區寧州壞州城五百餘堵軍營神祠民舍五百二十區

七年三月京兆府渭水漲壞浮梁溺者五十四人耀密博衛常潤州水害稼六月均州增水均水漢江並漲壞民居人畜死者甚衆漢陽軍江水漲五丈七月大名府御河漲壞范濟口南劔州江州水漲壞居人廬舍一百四十餘區京兆府咸陽縣渭水漲壞浮梁工人溺死五十四人九月梧州江水漲三丈入城壞倉廩及民舍十月河決懷州武德縣害民田

八年五月河大決滑州房村徑澶濮曹濟諸州浸民田壞居人

廬舍東南流入淮六月陝州河漲壞浮梁又永定澗水漲壞民舍軍營千餘區河南府澍雨洛水漲五丈餘壞鞏縣官署軍營民舍殆盡穀洛伊瀍四水暴漲京城官署軍營寺觀祠廟民舍萬餘區溺死者以萬計又壞河清縣豐饒務倉庫軍營民舍千餘區夔州江漲七尺七月祚州資河漲溢入城壞軍營民舍百餘區雄州易水漲一丈三尺壞民廬鄜州河水漲溢入城壞官寺民舍四百餘區荆門軍長林縣山水暴漲壞民舍五十一區凡五十六人溺死八月徐州清河漲丈七尺溢出堤塞州三面門以禦之九月宿州睢水漲汎民舍六十里是夏及秋開封浚儀酸棗陽武封丘長垣中牟尉氏襄邑雍丘等縣河水害田九年七月嘉州江水暴漲壞官署民舍溺死者千餘人八月延州南北兩河漲溢入東西兩城壞官寺民舍淄州霖雨孝婦河漲溢壞官寺民舍漂溺人畜澶州河漲壞民田孟州河漲斷浮

梁損民田雅州江水漲九丈壞民廬舍新州江漲入南寨壞軍營

雍熙二年七月朗州江溢害稼

三年六月壽州大水

端拱元年五月英州江水漲五丈壞民田及廬舍數百區七月磁州漳滏二水漲

淳化元年六月吉州大雨江漲丈三尺漂壞民田廬舍新州黃梅縣堀口湖水漲壞民田廬舍都盡江州江水漲二丈八尺七月洪州江水漲壞州城三十堵民廬舍二千餘區漂二千餘戶秦州隴城縣大雨壞官私廬舍殆盡溺死者百三十七人

二年四月京兆府河漲壞咸陽縣浮梁漂艦十七六月乙酉汴水溢于浚儀縣壞連隄浸民田上親臨視督衛士塞之辛卯又決于宋州宋城縣博州大霖雨河漲溢壞民廬舍八百七十區

亳州河溢東流汎民田壞廬舍七月齊州明水漲壞黎濟寨城百餘堵許州沙河溢雒州唐河水漲害民田殆盡嘉州江漲丈八尺溢入州城毀民舍復州蜀漢二江水漲壞民田廬舍九州邛州蒲江等縣山水暴漲壞民舍七十區死者七十九人是秋荆南北路江水注溢浸田畝甚衆

三年七月河南府洛水漲壞七里鎮國二橋又山水暴漲壞豐饒務官舍民居溺死者二百四十人十月商州上津縣大雨河水溢壞民舍溺者三十七人

四年六月隴城縣大雨牛頭河漲二十丈沒溺居人廬舍七月京師大雨十晝夜不止朱雀崇明門外積水尤甚軍營廬舍多壞九月澶州河漲衝陷北城壞居民廬舍官署倉庫殆盡民溺死者甚衆梓州玄武縣涪江漲二丈五尺壅決流入州城壞官私廬舍萬餘區溺死者甚衆是秋陳穎宋亳許蔡徐濮澶博州

物異

文獻通考卷之二百九十一

崇禎三年重刊

霖雨秋稼多敗十月澶州河決西北入御河浸大名府城知州趙昌言壅城門禦之

五年秋開封府宋亳陳穎泗壽鄧門州雨水害稼

至道元年四月甲辰京師大雨雷電道上水數尺

二年六月河南府瀍澗洛三水漲壞鎮國橋七月建州溪水漲溢入州城壞倉庫廬舍萬餘區鄆州河漲壞連隄四處宋州河決穀熟縣閏七月陝州河漲漂大樹壞浮梁失連艦是月廣南諸州並大雨水

咸平元年正月昭州大雨霖害民田溺死者百五十七人齊州清黃河汎溢壞田廬

二年十月漳州山水汎溢壞民舍千餘區民黃犛等十家溺死三年三月梓州江水漲壞民田五月河決鄆州王陵埽七月洋州漢水溢民有溺死者

四年七月同州澇谷水溢夏陽縣民溺死者數十人

五年二月雄霸瀛深滄州乾寧軍水害民田六月京師大雨漂壞廬舍民有壓死者積潦浸道路自朱雀門東抵宣化門尤甚皆注惠民河河漫漲溢軍營多壞

景德元年九月宋州汴水決浸民田壞廬舍河決澶州橫隴埽等

二年六月寧州山水汎溢壞民舍軍營多溺死者

三年七月應天府汴水決南注亳州合浪宕渠東入于淮

四年六月鄭州索水漲高四丈許漂滎陽縣居民四十二戶有溺死者六月鄧州江水暴漲南劍州山水汎溢漂溺居人七月河溢澶州壞王八埽

大中祥符元年六月開封府尉氏縣惠民河決

二年七月徐濟淄青州大水八月無爲軍大風雨拔木壞城門

管壘民舍壓溺千餘人鳳州大水漂溺居民十月兗州霖雨害稼京畿惠民河決壞民田

三年五月辛丑京師大雨平堤數尺壞軍營民舍多壓死者近畿積潦六月吉州臨江軍並江水汎溢害民田九月河決河中府白浮圖村

四年七月江洪筠袁州江漲害民田壞州城八月河決通利軍大名府御河溢合流壞府城害民田人多溺死九月河溢于三州温縣蘇州吳江汎溢壞廬舍十一月楚秦州潮水害田民多溺死

五年正月河決棣州聶家口七月慶州淮安鎮山水暴漲漂溺居民

六年六月保安軍積雨河溢浸城壘壞廬舍判官趙震溺死又兵民溺者凡六百五十人

七年六月泗州水害民田河南府洛水漲秦州定西寨山水暴漲有溺死者八月河決澶州十月濱州河溢于安定鎮

九年六月秦州獨孤谷水壞長道縣鹽官鎮城橋及官廨民舍二百九十五區溺死者六十七人七月延州泊定平安遠寨門栲栳四寨山水汎溢壞隄城九月雄霸州界河汎溢利州水漂棧閣萬二千八百間

天禧三年六月河決滑州城西南漂沒公私廬舍死者甚衆歷澶濮鄆濟單至徐州與清河合浸城壁不沒者四版明年既塞六月復決于西北隅

文獻通考卷之二百九十六

三年虔吉等州水

四年六月杭州江潮溢壞堤千丈餘八月越州大水深溺居民

寶元元年建州水

康定元年滑州河溢

慶曆八年六月河決澶州商胡埽是歲河北大水
皇祐元年二月河北黃御二河並決注于乾寧軍河朔頻年水災

二年鎮定復大水並邊尤被其害

三年七月河決大名府館陶縣郭固口

嘉祐元年六月京師及京東西河北水潦害民田雨壞社稷壇
及官私廬舍數萬區城中繫棧渡人 七月京東西荆湖北路
水災淮水自夏秋暴漲環浸泗水城是歲諸路江河決溢河北
尤甚民多流亡

六年淮水溢

治平元年京師許許公陳穎唐泗濠楚廬壽杭宣鄂洪施渝州光
化軍俱有水災

二年八月庚寅京師大雨地上涌水壞廬舍漂人畜

熙寧元年秋霸州山水漲溢 保定軍大水害稼壞官私廬舍
城壁漂溺居民河決恩冀州漂溺居民

二年八月河決滄州饒安漂溺居民移縣治於張爲村泉州大
風雨水與潮相衝泛溢損田稼官私廬舍

四年八月金州大水毀城壞官私廬舍

七年六月熙州大雨洸河汎溢陝州大雨漂溺陝平陸二縣
八年四月潭衡邵道州江水溢壞官私廬舍

九年七月太原府汾河夏秋霖雨水大漲 十月潮州海陽湖
陽二縣海潮漲溢壞廬舍溺居民

勿混

文獻通考卷之三百九十二

崇禎三年重刊

十年七月河決曹村下埽澶淵絕流河南徙又東匯于澤
澤灤凡壞郡縣四十五宮亭民舍數萬田三十萬頃洛州
決注城大雨水一丈河陽河水溢漲壞南倉溺居民
元豐元年齊州章丘山水河水溢壞公私廬舍城壁漂溺居民釘
州山水暴漲浸官私廬舍

四年四月潭州臨河縣小吳河溢北流漂溺居民五月淮水
漲七月秦州海風駕大雨漂浸州城壞公私舍數千楹七月
河北東西路北京館陶河溢水入府城壞官私廬舍八月趙
邢洛磁相州河水汎溢壞城郭軍營是年相州漳河決溺臨漳
縣居民懷州黃沁河泛溢大雨水損稼壞廬舍城壁磁州諸縣
鎮夏秋漳釜河水汎溢相州臨漳縣斛律口決壞官私廬舍傷
田稼損居民
八年京畿京東西淮南淮北諸路大水

紹聖元年京畿曹濮陳蔡等州水害稼

元符元年河北京東等路大水

二年六月陝西京西河北大水河溢流漂人民廬舍

崇寧元年京城水壞廬舍溺人

大觀元年夏京畿大水詔工部都水監疏導至于八角鎮河北

京西河溢漂溺民十月蘇湖水災

二年秋黃河決陷沒邢州鉅鹿縣

三年七月階州久雨江溢

四年夏鄧州大水漂沒順陽縣

政和五年六月江寧府太平宣州水災八月蘇湖常秀等諸

郡水災

七年瀛滄州河決滄州城不沒者三板死者民百餘萬

八年夏江淮荆浙諸路大水民流移漂溺者衆分遣使者賑濟

發運使任諒坐不奏泗州壞宮私廬舍等勒停

宣和元年五月大雨水驟高十丈餘犯都城自西北半駝岡連萬勝門外馬監居民盡沒前數日城中井皆浮宣和殿後井水溢蓋水信也至是詔都水使者決西城索河隄設其勢城南居民家墓俱被浸遂壞藉田親耕之稼水至溢極直冒安上南董諸門城守凡半月已而入汴汴渠將溢於是募人決下流由城北入五丈河下通梁山樂乃平 十一月東南州縣水災

紹興二年閏四月徽嚴州水害稼

三年七月丙子泉州水壞城郭廬舍

五年秋西川郡國水

六年冬饒州雨水壞城四百六十餘丈

十六年潼川府東南江溢水入城浸民廬

十八年八月越明婺州水

二十八年六月興利二州大安軍大水流民廬壞橋殘死者甚衆九月江東淮南數郡水浙東西沿江海郡縣大風水平江紹

興湖常秀潤為甚

三十年五月畿縣於潛臨安湖州安吉等三縣山水暴出流民廬壞田禾人溺死甚衆

三十二年四月淮水溢數百里流民田廬死者甚衆 六月浙

西郡縣山湧暴水流民室壞田覆舟

隆興元年八月浙東西州縣大風水越蘇湖及崇德縣為甚

二年七月蘇湖常秀潤昇宣池太平廣德廬和光壽春無為及

淮東郡皆大水浸城壞廬壞田圩軍壘舟行壘市累日人溺死甚衆越月積陰苦雨水患益甚

乾道元年六月常湖水壞圩田

二年八月温州大風海濤流溢沿江民廬鹽場覆舟溺死者二

萬餘人江濱齒豁尚七十餘人

三年六月廬舒蘄州水壞苗稼壞人畜 七月臨安府天目山

湧暴水決臨安縣五鄉民廬二百八十餘家人多溺死 八月

上虞縣湖秀州水壞民田廬時積潦至于九月禾稼皆腐江東

水溢于山江西隆興四縣為甚

四年七月衢州大水敗城三百餘丈流民廬孳牧壞禾稼江陵

建寧紹興饒信皆水

五年夏秋温台凡三大風水流民廬壞稼溺人甚衆黃巖縣為

其

六年五月蘇昇宣温湖秀太平廣德大水城市有深丈餘者江

西亦大水

八年五月吉筠臨江隆興皆大水 六月四川郡縣大水嘉眉

邛蜀永康金堂尤甚

九年五月嚴吉饒信池太平建康隆興廣德軍水流民居壞田

圩分水縣沙塞四百餘畝 六月湖北郡縣水

淳熙元年七月錢塘大風濤決臨安府江堤一千六百六十餘

丈流民居六百三十餘家

三年八月台州大風雨海濤溪流合激為大水決江岸壞民廬

溺人是月行都及浙東西江東郡邑多水

四年五月建寧福南劔大雨水流民廬數千家錢塘江濤大溢

敗堤一百八十餘丈明年瀕海風濤敗堤流沒民田九月大風

雨駕海濤錢塘餘姚上虞定海鄞縣敗堤溺人

五年六月階州水壞城郭福州興化俱大水

六年夏秋衢温台湖秀太平寧國水壞圩田溺人

八年五月嚴州紹興府大水流民舍敗堤岸腐禾稼徽江州亦

水

物異

文獻通考卷之二百九十七

五 出續二年重刊

十年五月信州襄陽及江東西浙東數郡水秋台州水八月雷
州大風激海濤沒瀕海民舍溺人 九月福漳州大風雨水暴
至瀕海聚落廬舍人舟皆流入海漳城半沒

十一年四月和州水 五月階州白江水溢壞隄及民舍溺人
七月明州大風雨水暴至浸城市覆舟殺人

十二年六月婺州水是歲鄂州水浸民廬自夏徂冬乃退
十四年汀州水

十五年五月淮甸大雨水淮水溢廬濠楚無爲安豐高郵盱眙
軍皆流民室壞田稼荆江溢鄂州大水流民室三千餘家復岳
澧江陵常德德安漢陽皆水 六月建寧隆興袁撫臨江皆水
圯民廬

十六年五月沅靖州山水溢沿江下辰州常德府城沒一丈五
六月鎮江潼川俱水溢壞民廬及田

紹興二年五月建寧水福州水侵城屬縣漂沒民廬利州潼川
嘉陵興州綿果合金龍漢崇慶懷安右泉大安俱有水患民溺
死甚衆

三年五月常德府雨水浸民田廬徽宣池廣德皆水 七月台
州襄陽江陵荆門復州俱水鎮江水損稼

四年安豐紹興寧國廣德筠州水害稼興國贛州江州江陵皆
水 七月臨江興隆吉州水圯民廬自夏及秋江西九州三十
七縣皆水興化風激海濤沒田廬

五年五月池州寧國太平紹興皆水 八月行都及明台温嚴
常平江鎮江寧國江陰常德皆水

慶元元年六月台州諸縣六風雨山洪濤並作沒田廬無筭

二年秋浙東郡國大水

三年九月紹興婺州水害稼

物異

文獻通考卷二百九十七

六

崇禎四年刊

五年秋台温衢婺水流廬溺人

六年五月嚴衢婺饒信徽南劔建寧及江西郡國皆大水自庚午至甲戌流民廬害稼

嘉泰二年七月汀州建寧福州南劔及江西郡邑水害苗稼

開禧元年九月淮漢水溢荆襄

二年五月婺州東陽山崩洪流聚落五百四十餘所湮田二萬餘頃

三年江淮浙郡縣水鄂漢尤甚

嘉定二年六月西和利州成州閬州遂寧皆水七月台州海濤流圯民廬溺人

三年四月嚴衢婺徽大水行都水流民廬西湖溢瀕湖居民皆

五年五月嚴州台州水

六年六月嚴州及臨安紹興湖州屬縣皆水

九年五月行都及紹興嚴衢婺台處信饒福漳泉興化十二郡

大水流田廬害稼

十年冬浙江濤溢圯瀕江廬舍覆舟溺人蜀漢二州大江沒城

郭

十二年畿縣鹽官海失故道潮汐衝平野三十餘里至是侵縣

治鹽場多圯

山

勿

大

七

水異

即前史五行志所謂火沴水也世以河清為祥以水變赤為妖其為水異一也故並載于此

史記魯襄公二十三年穀洛水鬪將毀王宮劉向以為近火沴水也周靈王將擁之有司諫曰不可長民者不崇藪不墮山不防川不寶澤寶充人喜執政母乃有所辟邪辟而滑夫二川之神滑亂使至于爭明明水以防王宮室王而飾之母乃不可乎言為欲防固王宮使水懼及子孫王室愈卑王卒擁之以傳推之以四瀆比諸侯穀洛其次卿大夫之象也為卿大夫將分爭以危亂王室也後數年有如日者五歲蚤霜靈王崩景王立二年僖括欲殺王而立王弟佞夫佞夫不知景王并誅佞夫及景王死五大夫爭權或立子猛或立子朝王室大亂京房易傳曰天子弱諸侯力政厥異水鬪

二十二年河水赤于晉龍門三日

秦武王三年渭水赤者三日昭王三十四年渭水又赤三日劉向以為近火沴水也秦連相坐之法棄於道者黥囚密而刑虐加以武伐橫出殘賊鄰國至於變亂五行氣色謬亂天戒若曰勿為刻急將致敗亡昔三代居三河河洛出圖書秦居渭陽而渭水數赤瑞異應德之效也京房易傳曰君涵于酒淫于色賢者潛國家危厥異流水赤也

後漢光武二十四年六月丙申沛國睢水逆流一日一夜止

安帝永初六年河東池水變色皆赤如血水變占曰水化為血者好任殘賊殺戮不

元初二年潁州襄城臨水化為血京房占曰水化為血兵且起

桓帝延熹八年四月濟陰東郡濟北河水清說見

靈帝建寧四年二月河水清

物異

水異

卷

致堂胡氏曰水性潤下而質不同或清或濁或輕或重或弱或悍或黑或白或寒或溫或甘或淡是其質也若大河之質則黃濁數千里而不可澄汰者也凡物反常為妖濁而忽清猶地而出堆阜山而沸泉滄井所當有變異之象也故裴楷言自古未有河清者後世乃以為大慶君臣動色載於年號著於邑名形於歌詠紀於史牒不亦異乎至若大海朝宗衆流自非並岸風水激薄沙泥渾汗之處則萬里停滯未嘗濁也而佞人諂媚又有以海清為賀者不亦異之甚乎

晉武帝太康五年六月任城魯國池水比赤如血按劉向說近火沴水聽之不聽之罰也

穆帝升平三年二月涼州城東池中有火四年四月結藏澤水中又有火此火沴水之妖也明年張天錫

殺中護軍張邕邕執政之人也

安帝元興二年十月錢塘臨平湖水赤桓玄諷吳郡使言開除以為已瑞俄而玄敗

符堅時長安有水影遠觀若水視地則見人至堅晚年而止

宋文帝元嘉二十四年夏四月河濟俱清

二十五年冬青州城南遠望見地中如水有影謂之地鏡

孝武孝建五年河濟清

齊東昏侯永元元年七月辛未淮水變赤如血

陳宣帝太建十四年七月時後主已即位江水赤如血自建康西至荆

州禎明中江水赤自方州東至海洪範五行傳曰火沴水也法嚴刑酷傷水性也五行變節陰陽相干氣色繆亂皆敗亂之象也京房易占曰水化為血兵且起其後為隋所滅

禎明二年四月郢州南浦水黑如雲黑水在關中而今淮南水

勿異

文獻通考卷三百九十七

七

崇禎三年重刊

黑荆楊之地陷於關中之應

後齊河清元年四月河濟清襄楷曰河諸侯之象應濁反清諸侯爲天子之象後十餘歲隋有天下

後周大象元年六月咸陽池水變爲血與陳大建十四年同占是時刑罰嚴急未幾國亡

隋大業三年武陽郡河清數里鏡徹

十二年龍門又河清後二歲唐受禪

唐武德元年七月新豐鸚鵡谷水清世傳此水清天下平開皇初暫清復濁至是復清

七年閏七月長安古城鹽渠水生鹽色紅而味甘狀似方印九年二月蒲州河清襄楷以爲河諸侯象清陽明之效也貞觀十四年二月陝州秦州河清十六年正月懷州河清

十七年十二月鄭州滑州河清

二十三年四月靈州河清

永徽元年正月濟州河清

二年十二月衛州河清

五年六月齊州河清十六里

調露二年夏豐州河清

武后時來俊臣井水變赤如血井中常有吁嗟聲

長安初醴泉坊太平公主第井水溢流又并州文水縣飲水竭

武氏井溢

長安中晉州祠水赤如血

神龍二年二月壬子洛陽城東七里地色如水樹木車馬歷歷見影漸移至都月餘乃滅長安街中往往見水影昔符堅之將

死也長安嘗有是

景龍四年三月庚申京師井水溢占曰君又曰兵將起

開元二十二年八月清夷軍黃帝祠古井湧浪

二十五年五月滑州棣州河清

二十九年亳州老子祠九井涸復湧

乾元二年七月嵐州合河關河三十里清如井水四日而變

寶應元年九月甲午太州至陝州二百餘里河清澄澈見底

大曆末深州東鹿縣中有水影長七八尺遙望見人馬往來如在水中及至前則不見水

建中四年五月乙巳滑州濮州河清

十四年閏五月乙丑滑州河清

貞元四年自陝至河陰河水黑流入汴至汴州城下一宿而復

十七年福州劍池水赤如血

二十一年夏越州鏡湖竭是歲朗州熊武五溪水闔占曰山崩

長慶元年七月水赤三日

九月靈州奏黃河涸欽主定遠界一百五十里見底

開成元年夏平州河清

大中八年正月滑州河清

咸通七年鄆州水亦如凝血者三日

八年七月泗州下邳雨湯殺鳥雀水沸于火則可以傷物近火

沄水也雨者自上而降鳥雀民象

光啓元年正月潤州江水赤凡數日

中和三年秋汴水入于淮水闔壞船數艘

廣明元年汝州峴陽峯龍池涸近川竭也

宋咸平元年五月撫州王羲之墨池水色變黑如雲

大中祥符元年五月丁丑泰山王母池水變紅紫色

四年二月己未河中府寶鼎縣漢泉有光如燭熠四五炬其聲如雷郭璞注爾雅曰河東汾陰縣有水口如車輪許漬沸湧出其深無限名之爲溱即此也泉本八眼其一尤沸猛上祀后土畢臨觀之七眼皆滿此獨澄然若鑑詔賜泉北五龍廟曰神淵三年八月鮮州監池紫泉場水次二十許里不種自生其味持嘉命屯田員外郎何敏中往祭池廟八月東池水自成鹽僅半池潔白成塊晶瑩異常祀汾陰經度制使陳堯叟繼獻凡四千七百斤分賜近臣及諸軍列校
元豐四年十月環州河水變甘
大觀元年八月乾寧軍河清
二年十二月陝州河清同州韓城縣郃陽縣至清及百里涉春不變自是迄政和宣和諸路數奏河清輒遣即官致祭宰臣等率百官拜表賀歲以爲常

紹興十四年五月饒州樂平縣何衝里田隴數十百頃當霽天無雲田水如爲物所吸聚爲一直西行高平地數尺不假隄防而水自行里南程氏家井水溢亦高數尺天矯如長虹聲如雷穿墻毀樓二水闔于杉墩且前且却約十刻乃解各反故壑與史記魯穀洛水闔同占京房曰天子弱諸侯力政厥異水闔

醴泉

漢宣帝甘露二年詔曰醴泉滂流枯槁榮茂救天下
後漢光武中元元年夏京師醴泉涌出飲之者痼疾皆愈惟眇
寒者不瘳

明帝永平十一年醴泉出

隋文帝開皇二年京師承明里醴泉出

唐天寶二年二月武威郡奏番禾縣嘉瑞鄉天寶山有醴泉湧出

文德元年九月雲詔殿前穿井得其泉

宋雍熙二年五月鳳翔府言岐山縣有泉者舊相傳時平則流世亂則竭自唐室中葉此泉遂竭至大中丘復流觀察使崔珙奏之詔書褒美賜號潤德泉碑刻猶在自後復竭今忽湧溢別出細泉數派畫圖以聞

大中祥符元年二月醴泉出蔡州汝陽縣鳳源鄉有疾者飲之皆愈又相州永安縣韓陵山牧童掘地得泉深尺餘汲取不竭飲者宿疾皆愈時或愆雨禱之必應四月丁巳兗州乾封縣民王用田中有童兒培土得小青錢數十爭取之錢墜石罅因發石有湧泉二十四眼味極甘美又枯石河復有湧泉二十五眼又一眼出曾阜之上信宿勢加倍又別引數派雙魚躍其中有果實流出似李而小味甚甘及今古錢百餘封禪經度制置使王欽若貯水馳驛以獻分賜近臣詔設欄格謹護之六月詔建

亭以靈液為額

天禧二年閏四月京師拱聖第十九營有湧泉疾癘者飲之皆愈詔建道觀名曰祥源

熙寧元年五月京師開化坊醴泉出政和五年正月河陽陽臺觀醴泉出

黑膏黑祥

漢王莽地皇元年二月壬申日正黑莽惡之

後漢靈帝光和元年六月丁丑有黑氣墮所御溫德殿庭中東觀

記曰墮所御溫明殿庭中如車蓋隆起奮迅五色有頭體長十餘丈形貌似龍

晉懷帝永嘉五年十二月黑氣四塞近黑祥也帝尋淪陷王室丘墟是其應也

愍帝建興二年正月己巳朔黑霧著人如墨連夜五日乃止此近黑祥也其四年帝降劉曜

元帝永昌元年十月京師大霧黑氣蔽天日月無光十一月帝崩

宋文帝元嘉三十年正月乙亥朔會羣臣於太極前殿有青黑氣從東南來覆映宮上二月甲子元凶劬弒逆

梁元帝承聖三年六月有黑氣如龍見於殿內近黑祥也黑周

陳宣帝太建五年六月西北有黑雲屬地散如豬者十餘洪範五行傳曰當有兵起西北時後周將王軌軍於呂梁明年擒吳明徽軍皆覆沒

唐大曆二年十月戊戌黑氣如塵彌漫于北方黑氣陰沴也

貞元四年七月自陝至河陰河水黑流入汴至汴州城下一宿而復近黑祥也占曰法嚴刑酷傷水性也五行變節陰陽相干氣色繆亂皆敗亂之象

十四年潤州有黑氣如隄自海門山橫亘江中與北固山峙又有白氣如虹自金山出與黑氣交將旦而沒

大中四年正月壬寅黑氣如帶東西際天

咸通十四年七月僖宗即位是月黑氣如盤自天屬合元殿庭宋元豐末嘗有物大如席夜見寢殿上而神宗登遐元符末又數見而

哲宗山陵至大觀間漸晝見政和元年以後大作每得人語聲則出先若列屋摧倒之聲其形塵丈餘髮髯如龜金眼行動磴磴有聲黑氣蒙之不大不了氣之所及腥血四灑兵刃皆不能施又或變人形亦或爲驢白春歷夏晝夜出無時遇冬則罕見多在掖庭宮人所居之地亦嘗及內殿後習以爲常人亦不大怖宣和末寢少出而亂遂作

政和三年夏至宰臣何執中奉祠北郊有黑氣長數丈出自齋

宮行一里許入壇壝繞祭所皆近人穿燈燭而過俄又及於壇禮將畢忽不見

宣和二三年春夏之際洛陽府畿間忽有物如人或蹲踞如犬其色正黑不辯眉目始夜則出掠小兒傷食之後雖白晝入人家爲患所至喧然不安謂之黑漢有力者夜執槍棒自衛亦有託以作過者如此二歲乃熄已而北征事起其後卒成夷狄之禍

建炎三年二月甲寅日初出兩黑氣如人形夾日旁至巳時初刻乃散黑氣陰沴也亦兵象


乾道四年春舒州雨黑米堅如鐵破之米心通黑

淳熙十一年十二月戊辰夜畿縣新城深浦天雨黑水終夕盈

剛

十六年六月京城錢塘門且啓黑風入揚沙石涂人驚避

慶元元年徽州黃山民家古井風雨之夕黑氣出其中波浪噴涌皆黑祥也



文獻通考卷之二百九十七

物異

文獻通考卷之二百九十七

上五

崇禎三年重刊

卷之三十一
三

寛政戊午

和之三年夏之陽冷... 如人... 陽冷... 如人... 陽冷... 如人...
 以作... 如人... 陽冷... 如人... 陽冷... 如人...
 尖... 如人... 陽冷... 如人... 陽冷... 如人...
 乃... 如人... 陽冷... 如人... 陽冷... 如人...
 道... 如人... 陽冷... 如人... 陽冷... 如人...
 米心通黑

麻背黒新出

寛政元年平糶州黄山別荘古井風雨之文黒原出其中

